



Broj: 0101-7662-8-LOT.2./17
Sarajevo, 21. 03. 2017. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka zajedničke javne nabavke robe-KOMPJUTERSKA OPREMA-LOT 2.-UNIVERZITET U ISTOČNOM SARAJEVU, na preporuku Komisije za provođenje postupka zajedničke nabavke broj: 0105-7662-7-LOT.2./17 od 17. 03. 2017. godine, rektor Univerziteta u Sarajevu je d o n i o

ODLUKU o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za provođenje postupka zajedničke nabavke broj: 0105-7662-7-LOT.2./17 od 17. 03. 2017. godine i ugovor o javnoj nabavci robe-KOMPJUTERSKA OPREMA-LOT 2.-UNIVERZITET U ISTOČNOM SARAJEVU, dodjeljuje ponuđaču MMCC d. o. o. Sarajevo, čija ukupna cijena ponude iznosi 28.995,00 KM bez PDV-a (slovima: dvadesetosamhiljadadevetstotinađvedesetpet KM i 00/100) iz razloga što je u otvorenom postupku, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Prema članu 4. Sporazuma o provođenju postupka zajedničke javne nabavke, zaključenog između Univerziteta u Sarajevu (broj: 0101-7662/16 od 13. 12. 2016. godine) i Univerziteta u Istočnom Sarajevu (broj: 4401/16 od 29. 12. 2016. godine), Univerzitet u Sarajevu je Ugovorni organ koji zastupa Univerzitet u Istočnom Sarajevu u postupku zajedničke javne nabavke robe-Kompjuterska oprema za potrebe Univerziteta u Sarajevu i Univerziteta u Istočnom Sarajevu, kao partnere u Erasmus + projektu “Enhancement of HE Research Potential Contributing to Further Growth of the WBC Region (Re@WBC)” (“Unaprijeđenje istraživačkog potencijala u visokom obrazovanju koji će doprinijeti daljem razvoju područja zapadnog Balkana”) (u daljem tekstu: Projekat Erasmus + Projekat Re@WBC).

Na osnovu Odluke o pokretanju postupka zajedničke javne nabavke broj: 0101-7662-2/16 od 30. 12. 2016. godine, Univerzitet u Sarajevu je pokrenuo otvoreni postupak za javnu nabavku ROBE -Kompjuterska oprema, koji je podijeljen u dva LOT-a:

LOT 1. - Kompjuterska oprema za Univerzitet u Sarajevu i

LOT 2. - Kompjuterska oprema za Univerzitet u Istočnom Sarajevu.

Za provođenje postupka zajedničke javne nabavke Odlukom broj: 0101-7662-3/16 od 30. 12. 2016. godine imenovana je Komisija za provođenje postupka zajedničke nabavke u sastavu: dr. Elmedin Selmanović, predsjedavajući i članovi Sanel Sefer i Azra Zvizdić (predstavnici Univerziteta u Sarajevu), te članovi Zoran Novaković i Vesna Tešanović (predstavnici Univerziteta u Istočnom Sarajevu).

Obavještenje o nabavci broj: 999-1-1-61-3-4/17 objavljeno je na Portalu javnih nabavki dana 22. 02. 2017. godine. Istog dana, na Portalu javnih nabavki objavljena je i Tenderska dokumentacija broj: 0101-7662-4/16.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 15. 03. 2017. godine, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: ekapija d.o.o., Verso d.o.o., REBUS d.o.o., NET d.o.o. INFORMATIČKI INŽENJERING, Grafikon d.o.o., Robert's Plus d.o.o., OCEAN d.o.o., EXCLUSIVE d.o.o., BBS Europe d.o.o., Infostrim d.o.o., IMTEC d.o.o. Sarajevo, EURO-PLIN d.o.o., DINNET d.o.o., LANACO d.o.o., PRIMAPROM d.o.o., ALF-OM d.o.o., FACIT d.o.o., MULTIMEDIJALNI COMPUTER CENTAR MMCC d.o.o., R&S d.o.o. Sarajevo, TELNET d.o.o., KODEKS d.o.o., GODIMERC d.o.o., PRINTEX d.o.o., Comtrade Distribution d.o.o., Time Code d.o.o. Sarajevo, CROBOX d.o.o., MIBO KOMUNIKACIJE d.o.o., ProComp d.o.o., EMERGING MARKETS CONSULTANTS d.o.o. "ELUR" d.o.o. Kiseljak, Intercomp d.o.o. Visoko, IT SYSTEMS d.o.o., DIGITARIJA d.o.o., XENON FORTE d.o.o. Sarajevo i ASPO RAIL d.o.o.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 15. 03. 2017. godine, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Iz Zapisnika Komisije je vidljivo da je dana 15. 03. 2017. godine u 10,15 sati, Komisija za provođenje postupka zajedničke nabavke izvršila javno otvaranje blagovremeno prispjelih ponuda za LOT 2.-KOMPJUTERSKA OPREMA ZA UNIVERZITET U ISTOČNOM SARAJEVU, po redoslijedu prijema ponuda slijedećih ponuđača:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	R&S d.o.o. Sarajevo	0105-1804/17	14. 03. 2017. u 14,00
2.	ProComp d.o.o. Zenica	0105-1818/17	15. 03. 2017. u 08,30
3.	PRIMAPROM d. o. o. Banja Luka	0105-1820/17	15. 03. 2017. u 08,40
4.	MMCC d. o. o. Sarajevo	0105-1822/17	15. 03. 2017. u 09,15
5.	"ELUR" d. o.o. Kiseljak	0105-1823/17	15. 03. 2017. u 09,20
6.	PRINTEX d.o.o. Sarajevo	0105-1824/17	15. 03. 2017. u 09,25

Dana 15. 03. 2017. godine u 10,15 sati izvršeno je javno otvaranje prispjelih ponuda.

Na javnom otvaranju ponuda nije bilo prisutnih predstavnika ponuđača.

Zapisnik sa javnog otvaranja ponuda je isti dan upućen putem pošte svim ponuđačima koji su blagovremeno dostavili ponude.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za zajedničku javnu nabavku nije imala nejasnoća u ponudama ponuđača, niti je bilo grešaka u dostavljenim ponudama.

Iz Zapisnika Komisije je vidljivo da se Komisija sastala odmah poslije javnog otvaranja ponuda dana 15. 03. 2017. godine i pristupila pregledu i ocjeni ponuda, odnosno provjeri da li su ponuđači ispunili uslove iz člana 45. do 50. Zakona o javnim nabavkama, koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Iz Zapisnika Komisije je vidljivo da nijedan od ponuđača koji su dostavili ponude nisu dostavili traženi dokaz o ispunjavanju uslova za primjenu preferencijalnog tretmana domaćeg, tako da se ni na jednu ponudu ne može primjeniti preferencijalni tretman domaćeg.

Pregledom i ocjenom ponuda, Komisija je u Zapisniku konstatovala da je ponuđača ProComp d. o. o. Zenica isključila iz daljeg učešća, odnosno da je ponudu ponuđača ProComp d. o. o. Zenica ocijenila kao neprihvatljivu. U obrazloženju Komisije je navedeno da je ponuđač ProComp d. o. o. Zenica je u jednoj koverti, u jednoj uvezanoj fascikli, dostavio ponudu za LOT 1. i LOT 2. sa dokazima o ispunjavanju uslova za kvalifikaciju što nije u skladu sa, Tačkom 19. Tenderske dokumentacije, kojom je utvrđeno da je ponuđač dužan dostaviti ponude u zasebnim kovertama na kojima mora biti naznačeno na koji LOT se ponuda odnosi.

Iz Zapisnika Komisije je vidljivo da se Komisija pozvala na identičan slučaj koji je imala u postupku provođenja nabavke za Univerzitet u Sarajevu, kada je jedan od ponuđača, u jednoj koverti, u jednoj uvezanoj fascikli, dostavio ponudu i za LOT 1. i LOT 2., pa je zatražena savjetodavna pomoć Agencije za javne nabavke BiH u cilju dobijanja odgovora na pitanje-Kako postupiti sa ponudom ponuđača koji je ponude za LOT 1. i LOT 2. dostavio u jednoj koverti, uvezane u jednoj fascikli, s obzirom da je Tenderskom dokumentacijom utvrđeno da ako ponuđač dostavlja ponude za više lotova, da je dužan dostaviti ponude u zasebnim kovertama na kojima mora biti naznačeno na koji LOT se ponuda odnosi. Odgovor Agencije za javne nabavke BiH je bio da je pravo Ugovornog organa da u Tenderskoj dokumentaciji jasno postavi zahtjeve u pogledu uslova za kvalifikaciju i načina pripreme ponuda, a da su ponuđači dužni pripremiti svoje ponude u skladu sa uslovima i zahtjevima koje je utvrdio Ugovorni organ u tenderskoj dokumentaciji. Dalje je Agencija za javne nabavke odgovorila da Ugovorni organ ima obavezu da ocjenu dostavljenih ponuda izvrši na osnovu zahtjeva utvrđenih tenderskom dokumentacijom, a da bi postupajući suprotno, Ugovorni organ narušio opšte principe jednakog i nediskriminirajućeg odnosa prema svim ponuđačima. Imajući u vidu sve navedeno, Komisija je ponudu ponuđača ProComp d. o. o. Zenica ocijenila kao neprihvatljivu.

Iz Zapisnika Komisije je vidljivo da je Komisija ponude ponuđača: MMCC d.o.o. Sarajevo, PRINTEX d.o.o. Sarajevo, R&S d.o.o. Sarajevo, PRIMAPROM d.o.o. Banja Luka i "ELUR" d. o.o. Kiseljak ocijenila kao prihvatljive, odnosno tehnički zadovoljavajuće, s obzirom da su ispunili sve uslove za učešće propisane članom 45. do 50. Zakona o javnim nabavkama BiH, te sve minimalne uslove koji su utvrđeni Tenderskom dokumentacijom.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača nije bilo računskih grešaka.

Komisija za javnu nabavku je, prema kriterijumu najniža cijena, sačinila rangiranje prihvatljivih ponuda na slijedeći način:

R. br. na rang listi	Naziv i sjedište ponuđača	Ponuđeni popust	Ukupna cijena ponude
1.	MMCC d.o.o. Sarajevo	0,00 KM	28.995,00 KM bez PDV-a
2.	PRINTEX d.o.o. Sarajevo	0,00 KM	32.115,00 KM bez PDV-a
3.	R&S d.o.o. Sarajevo	0,00 KM	33.240,00 KM bez PDV-a
4.	"ELUR" d. o.o. Kiseljak	0,00 KM	33.765,24 KM bez PDV-a
5.	PRIMAPROM d.o.o. Banja Luka	0,00 KM	35.364,80 KM bez PDV-a

Iz zapisnika Komisije je vidljivo da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Komisija za provođenje postupka zajedničke nabavke, u skladu sa članom 6. stav (1), tačka i) Sporazuma o provođenju postupka zajedničke javne nabavke broj: 0101-7662/16 od 29. 12. 2016. godine, potpisanim između Univerziteta u Sarajevu i Univerziteta u Istočnom Sarajevu, dala je prijedlog rektoru Univerziteta u Sarajevu da za nabavku robe: KOMPJUTERSKA OPREMA-LOT 2. za UNIVERZITET U ISTOČNOM SARAJEVU, donese odluku o izboru najpovoljnijeg ponuđača i dodjelu ugovora ponuđaču MMCC d. o. o. Sarajevo, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 28.995,00 KM bez PDV-a (slovima: dvadesetosamhiljadadevetstotinadevedesetpet KM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

Dostaviti:

1. R&S d. o. o. Igmanska bb, 71320 Vogošća, Sarajevo
2. ProComp d. o. o. Vojvodića put 6, 72000 Zenica
3. PRIMAPROM d. o. o. Vidovdanska bb, 78000 Banja Luka
4. MMCC d. o. o. Džavida Haverića 7b, 71000 Sarajevo
5. "ELUR" d. o.o. Žrtava domovinskog rata 2, 71250 Kiseljak
6. PRINTEX d. o. o. Hasana Sušića 9 i 11, 71000 Sarajevo
7. Univerzitet u Istočnom Sarajevu, Vuka Karadžića 30, 71126 Istočno Sarajevo
8. Prorektor za finansije UNSA
9. Generalni sekretar UNSA
10. Služba za računovodstvo i finansije UNSA
11. Izvršilac za javne nabavke
12. web stranica UNSA
13. a/a

Prilog: Zapisnik o pregledu i ocjeni ponuda